

Cov Common Core Essential Elements (CCEEs)

yog dab tsi?

Cov kws qhia ntawv hauv Wisconsin tau koom tes nrog cov kws qhia ntawv hauv 12 lub xeev los tsim ib tug qauv txawv txog kev kawm ntawv kom sib txig raws li tus Common Core State Standards. Cov qauv txawv txog kev kawm ntawv no yog hu ua Common Core Essential Elements (CCEEs) hauv kev kawm lus As Nkiv thiab kev ua zauv. Tau tsim cov CCEEs kom los muaj raws li Teb Chaws Mis Kas Tuam Tsev Xyuas Txog Kev Kawm Ntawv (U.S. Department of Education) qhov tias kom yuav tsum tau muaj ib tug qauv txawv txog kev kawm ntawv rau nws cov tub ntxhais kawm ntawv uas tswv yim qeeb uas

- pom meej tias yeej txuas mus rau cov qauv kawm ntawv hauv qib theem,
- txhawb nqa txoj kev kawm kom kawm tau ib yam li tus qauv qhia ntawv rau txhua tus,
- qog qhia tau txog txoj kev txiav txim raws kev txawj ntse uas muaj qhov kev cia siab ntau tshaj plaws.

Yuav nrhiav tau cov lus qhia txog tus
Common Core Essential Elements ntawm
http://sped.dpi.wi.gov/sped_assmt-ccee.

Yuav nrhiav tau cov lus qhia txog pob nyiaj pab no ntawm <http://dynamiclearningmaps.org/>.



Lus Qhia rau Cov Tsev Neeg 2014-15



Tony Evers
Xeev Tus Thawj Tswj Cheeb
Tsam Tsev Kawm Ntawv
Wisconsin Tuam Tsev Saib Xyuas
Tsoom Fvw Kev Qhia Ntawv Dawb
PO Box 7841
Madison, WI 53707-7841

Wisconsin Tuam Tsev Saib Xyuas Tsoom Fvw Kev Qhia Ntawv Dawb tsis cais tshwj leej twg li raws seb yog poj niam los sis txiv neej, haiv neeg, taww nqaij, kev ntseeg ntuj, kev teev hawm, hnub nyooog, yug lub teb chaws twg, caj ces, xeeb tub, muaj txij nkawm los sis tsis muaj los sis muaj ob leeg ua niam ua txiv los sis ib leeg ua niam ua txiv, poj niam nyiam poj niam los sis txiv neej nyiam txiv neej, los sis muaj kev tsis taus.

Muab cai zwm tseg (C) 2014 los ntawm
Wisconsin Tuam Tsev Saib Xyuas
Tsoom Fvw Kev Qhia Ntawv Dawb

Yog xav paub ntxiv nug tau rau
osamail@dpi.wi.gov

DLM yog dab tsi?

The Dynamic Learning Maps Alternate Assessment System Consortium (DLM) yog ib qho kev koom tes ntawm 18 lub xeev uas tau nyiaj pab mus tsib xyoos los ntawm Teb Chaws Mis Kas Tuam Tsev Saib Xyuas Txog Kev Kawm Ntawv (U.S. Department of Education) los tsim ib tug qauv txawv rau cov tub ntxhais kawm ntav uas tswv yim qeeb.

Tus xeem DLM xeem txoj kev kawm ntawv ntawm cov tub ntxhais kawm ntawv uas tswv yim qeeb hauv kev kawm lus As Nkiv thiab kev ua zauv.

DLM tus qauv quag yog tsim los ntsuas tus tub ntxhais kawm ntawv txoj kev kawm hauv lub xyoo. Tus qauv quag yuav siv cov khoom thiab cov dej num uas nyob ruaj nrees hauv cov kev qhia ntawv hnub dhau hnub. Cov kev qhia ntawv rau cov tub ntxhis kawm ntawv no yog raws tus Common Core Essential Elements thiab sib txig raws Common Core State Standards.

Tus Xeem DLM yog dab tsi?

Yuav muab tus xeem Dynamic Learning Maps rau cov qib kawm 3 txog 11 thaum lub caij nplooj ntoos hlav nrog rau thaum lub caij nplooj ntoos zeeg rau cov tub ntxhais kawm ntawv hauv qib kawm 9 rau kev kawm lus As Nkiv thiab kev ua zauv. Cov kev xeem tshiab no yuav siv rau thaum Lub Caij Nplooj Ntoos Hlav hauv xyoo 2015. Txoj kev xeem no yog xeem nyob hauv online.

Yuav siv qhov xeem tau ntawd li cas?

Qhov xeem tau hauv tus xeem DLM muab cov lus qhia txog tus tub ntxhais kawm ntawv txoj kev kawm tau. Yuav kom paub meej dua seb kawm tau li cas tiag, yuav tau suav cov ntawv ua hauv chav kawm txhua hnub, lwm cov kev xeem, cov ntawv nqa ua tom tsev, thiab lwm cov dej num hauv kev kawm. Thov nrog cov kws qhia ntawv thiab cov kws pab tawm tswv yim tham txog seb cov lus qhia los ntawm tus xeem DLM yuav siv tau li cas nrog cov lus qhia los ntawm tsev kawm ntawv thiab hauv chav kawm kom los pab koj tus me nyuam mus cuag nws cov hom phiaj kawm ntawv. Cov neeg ua hauj lwm hauv cheeb tsam tsev kawm ntawv siv qhov xeem tau los txhim kho cov kev pab qhia ntawv.

Qhov xeem tau hauv Tus Xeem DLM yog siv los ntawm Tuam Tsev Saib Xyuas Tsoom Fwv Kev Qhia Ntawv Dawb kom thiaj li

- ua tau raws li qhov yuav tsum tau muaj raws li txoj cai hais txog seb cov tsev kawm ntawv uas ua tau tsis zoo yog lub twg raws li txhais los ntawm s.115.38(4), Wis. Stats;
- ua tau raws li nom tswv teb chaws Title I (NCLB) qhov kom yuav tsum tau muaj los xyuas txog qhov ua tau zoo tsim nyog hauv cov tsev kawm ntawv uas yog Title I; thiab
- xyuas seb cov tsev kawm ntawv thiab cov cheeb tsam thoob plaws hauv xeeb ua tau txog twg raws li Wisconsin cov qauv txog kev paub.

Yuav muab hom paj xyeem dab tsi?

DLM Consortium sam sim npaj seb cov ntawv qhia yuav zoo li cas thiab yuav qhia txog hom paj xyeem twg. Yuav muab cov ntawv qhia no rau theem ntawm tus kheej, theem hauv chav kawm thiab theem hauv cheeb tsam. Thaum uas muaj cov lus qhia tshiab yuav kho daim ntawv no tam sim ntawd.

Yuav xeem rau thaum twg?

Yuav muab tus xeem DLM rau cov kawm qib kawm 9 xeem thaum Lub Caij Nplooj Ntoos Zeeg, Lub Kaum Hli Ntuj Tim 6-24, thiab rau cov tub ntxhais kawm ntawv qib kawm 3 txog 11 thaum Lub Caij Nplooj Ntoos Hlav, Lub Peb Hlis Ntuj Tim 30-Lub Tsib Hlis Ntuj Tim 22. Cov tsev kawm ntawv nyias yuav teeb tsab nyias lub sij hawm xeem. Yog hais tias ib tug tub ntxhais kawm ntawv ncua thaum lub sij hawm xeem, nws yog ib qho tseem ceeb uas yuav tau teem ib lub sij hawm rau nws mus xeem kom tau.

Tus Xeem DLM mas tsis ntsuas sij hawm xeem. Yuav muab daim ntawv xeem rau txhua tus tub ntxhais kawm ntawv raws nws tus kheej. Ib tug tub ntxhais kawm ntawv yuav siv tau ntau hnub tom ntej no los xeem los tau, tsuav kom nws ua tiav rau thaum lub sij hawm xeem xwb. Lub sij hawm yuav siv los xeem tag nrho mas nws sib txawv; tiam sis, kww yees tau tias yuav siv sij hawm li ntawm 2.5 teev thiaj li xeem tas.

Yuav npaj koj tus me nyuam mus xeem Tus Xeem DLM li cas?

Xyuas kom koj tus me nyuam pw zoo hmo ntawd thiab noj tshais kom zoo. Zam cov kev cuam tshuam koj tus me nyuam txoj dej num uas niaj hnub ua thaum lub sij hawm uas muaj xeem no.

Kuv yuav nrhiav tau cov lus nug ua piv txwv hauv daim xeem los sis cov lus nug coj los xyaum qhov twg?

Cov lus nug ua piv txwv hauv daim xee muaj nyob rau ntawm [http://dynamiclearningmaps.org/
content/releasedtestletsim](http://dynamiclearningmaps.org/content/releasedtestletsim)

Cov nqe lus nug no muaj ntsis zoo li cov nqe lus nug hauv daim xeem tiag tiag uas tej zaum yuav muaj nyob hauv daim Xeem DLM. Cov lus nug hauv daim xeem DLM tam sim no mas tsis tso tawm.